



古沛閻爾梅字用卿號古古前明孝廉著

山人全集家刻廬山黃雲師爲之序曩歲

學邵稼書齋頭見手鈔本心焉誌之癸


吳閭遍求坊肆未獲刻集因柬寄稼書

鴻便飛函索異書詩家懷古古客意自如如地僻

烟霞滿山高日月虛憑君雙眼力得見舊樵漁及

秋稼書卽以所抄本并序其鈔錄之意報余余旣

喜得山人之集又服稼書之識復成一律云廿年



詩夢憶山人時向漁樵細問津未有東陵今秘本  
難全古沛舊家春一函明月來孤艇半榻秋雲護  
異珍留得江南風雅在何愁草木不常新自是披  
閱半月恍如晤對山人因選其近體詩數百首梓  
以行世俾世之慨想山人之詩者亦如晤對山人  
至于詩之頡頏唐賢不類宋元諸家則自有識者  
在不待余贊一詞也康熙癸巳一陽月松蘿汪觀  
書于半塘之漁莊

古古詩

古沛

閻爾梅

用卿

著

休寧

汪

觀

瞻侯

選

元夜題少陵方丈

元宵何處好春燈柑酒懷人睡未能樹裏月光纔  
漏影山閒雲氣不分層北朝金布無雙寺東土花  
開第一僧鐘板沉沉方丈閉毘盧閣下積寒冰

過開封有感

維昔中州苦戰場援師無數僅翱翔不聞公子趨  
還魏偏學條侯坐委梁六代京華渾漏洩三川禾  
黍一空桑繁臺艮嶽坵墟盡鐵塔亭亭澹夕陽

重陽讀陶詩有感

永初之朔旣歸田忍待元嘉又數年祇有一生活  
酒債曾無三徑買山錢閒中甲子俱忘矣醉後詩  
文輒慨然愧我未能窓下臥東籬遙隔暮秋烟

虞城題江載渭東莊

微茫柴逕水痕幽出沒無人掩破樓但有垣牆干  
樹裏不聞雞犬一聲秋瓜茄炊飯香凝露蘆荻歸  
樵月滿舟對此居停如仲蔚蓬蒿深處補羊裘

二

蒹葭百頃抱吾廬隱隱樓臺水四虛滿地俱成花  
下藕經年不買市中魚襄陽賓主家人意彭澤妻  
孥酒客餘欲寄犬兒鄰雪苑呼名猶恐戲相如

過陳思王墓

籀篆螭碑一路搜山川憑藉古人留中原繡虎曹  
陳郡南國荒雞祖豫州金石菁華關氣數漁樵文  
字發冬秋無家莫作窮愁看晚歲功名是浪游

劔閣

南梁西界列雲屏玉女臺陰綻絕陁冰雪凋殘供  
奉句荆榛剝蝕孟陽銘關前流馬馳三國江上啼  
鶻恨五丁月落深山無宿處料盤圍火看春星

閬中

葭嶺雲高梓樹濃閬州城對錦屏峯金牛入棧銘  
司馬石燕臨江祀伏龍絕世山川非耳目經年花  
鳥不秋冬大秦身毒曾通漢便道峩眉借一筇

錦屏山與楊猶龍限韻

仲冬天氣似花朝巖壑髣苴翠未凋半截雲沉峯  
頂塔兩來船斷雨中橋漁村烏柳圍金橋僧舍香  
楠蔭鐵蕉地接蕃駝人習苦荒山紅葉女郎樵

千尺崩崖古碣蹲  
勾衣草蘸落花痕  
疎烟江上白鷗影  
冷日天邊紅樹邨  
如畫亭臺浮水面  
懸空鼓吹落山根  
武侯祠對桓侯墓  
悲感無窮醉一罇

讀猶龍蜀中歲暮行吟卷子

見山堂下考靈鐘  
音色非常不肯濃  
時向花間啼謝豹  
羞隨江左著雕龍  
三巴有水皆成字  
九阪疑雲盡是峯  
已自置身圖畫裏  
猶將離怨寫芙蓉

談長益述其家破狀甚慘因成一首

丁卯橋邊血草蕪  
老人家破佩柔弧  
幾多王謝隨招隱  
可有英雄似寄奴  
海過南徐潮影亂  
江寒西塞月明孤  
花開正值重陽節  
爲問居停送酒無

游驪山題始皇陵

八翠三泉歲歲耕  
祖龍墳掘報諸生  
旣聞滄海遙尋藥  
何故驪山預起瑩  
蜂準吹寒湯石火  
魚膏撲滅水銀城  
西陵礪谷無多地  
道是坑儒却自坑

從胡趨離垢上雲臺峯

胡趨寺像好童顏怪石嶙峋水一灣對面出雲封  
巨壑移時歸雨露空山崖懸日月紋生暈峯肖龜  
魚翠結斑奇險難名游客少仙翁寂寂閉柴關

弔淮陰侯墓

長安東闕路南陞斑駁淮陰冢上碑大將曾經天  
子拜元勳枉使婦人欺蒯通游說非無見樊噲稱  
臣最可疑欲往招魂鐘室壞西風蕭瑟草離離

謁茂陵

武帝園陵俯渭陽亭亭顛顛滿原霜三山八水環  
京兆萬戶千門燬建章驃騎北銘沙漠石樓船南  
繫粵甌王臨終悔下輪臺詔何得人言續始皇

二

嶮嶮堂封截四隅茂陵南向拱天都表章先聖開  
文苑付託元良寫宸圖出塞嘗嫌高帝困求仙不  
似祖龍愚悲歌兼帶風流意毀謗英雄是宋儒

登太白山寄懷孝升兼示韓子聖秋仍用京

師舊韻

太白峯高險絕倫雲巔松檜響粼粼仲翔遺恨無  
知已叔向餘生不謝人杖履飄搖如夜電眉鬚明  
滅似秋燐瑰珠玉案窮途少寫寄關山月一輪

秦嶺

金牙關外列長陁脊與天交戴井星橫臥全收斜  
谷勢周看別續大荒經神禾春秀千原紫鬼草秋  
華萬壑青來去地痕都不見風烟遙隔雨冥冥

連雲棧

泫泫大壑觸厓崩來去人攀壁上藤邃谷銜天青  
一縷穠花垂地綠千繩盤迴嶺角斜肩度路仰雲  
梢按膝登酒社茶籬俱茂草竹雞窠滿寺無僧

二

草涼山驛苦差峩千轉峻嶒百渡河日截東西光  
剩半天餘前後影無多頑猿接掌垂空飲健馬停  
蹄歇喘過怪絕谿峯驚未見畫圖難似奈君何



隘路環遮隔嶺招人呼二十四鞍鞦花飛滿澗秋  
風響泉注成江夜月潮王氣先隨亭長去山靈不  
怪子房燒英雄過後無天險谷口零星處士瓢

孟傳是携其長郎北游余於九江遇之喜贈  
樊湖十日醉蒹葭授爾離騷古韻差始以長源爲  
小友今呼文舉是通家霜凝湖口鍾初乳梅到揚  
州嶺盡花誰謂天涯余獨苦明朝君亦走天涯

武昌城下競舟時恰好相逢正則祠徂暑聊爲無  
賴飲游山喜作不情詩甘陵自昔多君子江夏于  
今誦小兒北去有人如問我但云僧矣尙鬚眉

遇何昭侯于滕王閣

一別長安忽十春滕王閣畔偶垂綸淹留孺子亭  
邊榻邂逅山陰道上人游徧纔知天下小吟高不  
苦杖頭貧傷心咫尺豐城在故劒難求淚滿巾

查天球周長孺彭躬菴冒雨至東林見訪  
仲春山寺雨冥冥木筆花香蕙九莖處士踏開天  
子障仙人飛下御碑亭斗牛墟裏驚龍劍箕尾躔  
中示彗星雲去雲來容易破移時還看嶽峯青

泰山

萬壑千巖一氣生金天墟次列層城烟雲具有冠  
裳意風雨時聞劒珮聲地底星河穿海出山根日  
月蹈空行須知史氏存規諷削去東封帝子名

先慈昔在病中諭余必三禮泰山今竣事矣

書此報命

岱嶽峯頭奠老親遭逢如此最傷神香燈草率難  
成禮歲月稽遲別有因萬死復開亡命路九原應  
恕苦心人書生不及田夫勇臨到懸厓忽轉身

拜先師墓

吳陵西舍一墟雲經兩千年俎豆芬築室永懷端  
木樹趨庭先祀伯魚墳川原映帶多生氣白鼎光

華悉古文看取詩書刪定後秦皇有火不能焚

重過兗州有感

亭長臺西舊酒徒疎狂名姓滿江湖常從世外尋  
高蹈不避人間有畏途季札重來周樂散奚斯一  
去魯宮蕪南樓極目誰同醉正月愁聽是蟋蟀

夏初

萋秀瓜生綠樹勻櫻桃吹露浹芳辰無邊首夏清  
和色不識他鄉患難人俎豆凋殘非舊魯山河離

析媿東秦愁中甲子憑何紀楊柳花飛是暮春

端午

風雨淒然節候非載經寒暑未言歸周旋厲地沾  
菖酒勞苦家人寄葛衣四海窮交緣世盡百年生  
計與心違他鄉無數河山汨岨強樽前不忍揮

元日

龍蛇再歲已經過今後春光看若何夢裏人歸桑  
梓幻愁中客怨雪霜多觀風岱北詢千乘注水山

東辨九河天外一聲南雁到瞿然高望復悲歌

晁兒來歷下省余作此送之

歲莖芝玉佩經函發棹淮陰步濟南海市雲霞生  
殿闕山村草木苑烟嵐升沉有數非余恨風雨無  
家爲爾慚怨矣離騷能不怒美人遲暮憶湘潭

二

畫梁秋燕各分飛天海茫茫顧影微豈有國亡家  
不破何當巢在子還依埋光寶劍期終合避采明

珠自遠歸試問韋堂授經處年來松菊可芳菲

三

遠別重逢匪所期無邊心事不能悲齊山春曉聞  
鷓鴣布被年多想鷓鴣靖節諸兒皆善酒康成小  
婢亦能詩吾書尙可三冬飫歸臥汧堂更下帷

四

玄沙蒼岫海雲紅十二山河自此東悲爾遠歸如  
社燕別吾先去是春鴻興亡何事關嫠婦得失無

端惱塞翁看取舊庭勤灑掃霏霏新露引初桐

五

稽古論文夜氣清宮商要縟有餘情解人頤處窮  
愁破獲我心時感慨平湖島暗啼春不寐山花遙  
放雨初晴南歸發爾廚中籍毋取浮談妄博名

眉初述雲南事頗可采以律志之

男兒誰不佩蓬桑未必如君萬里長問俗觀風雷  
外部分庭抗禮日南王惟聞六詔迎仙吏不待三

年伐鬼方小小中原能幾步祇無人賦出門行

朱周望自雲間來新詩見投遂步其韻

龜鳧峯壑已全收復爾尋源汶水頭千里瓊瑤投  
上海一時風雨亂中秋休文抱病何嘗病從事言  
愁始欲愁楓葉蕭疎琴劔冷滿山黃雪賦登樓

安山驛夜雨

瀧瀧夜雨滿河干風入篷窓竹簟寒舫漏無燈頻  
徙榻泉枯得水亂鳴灘狂游未覺人生苦失意纔

傷客路難屢次聞雞顛倒坐窮愁此際可能安

汧置草堂讀史詩

後漢書有扶風馬瑤隱汧山以兔置爲事  
學者稱馬牧先生余心好其人取以名堂  
堂創于癸未五月至九月落成故詩中多  
夏秋景物凡十六首

炎天節序似秋冬菓蒂先凋落葉重黃水半沈官  
道柳白雲環鎖墓堂松江東王氣留司馬海外神

山戲祖龍經戶無人聞見寡西林孤寺一聲鐘

二

太白東來大火西登高野望遠天低星飛宿鳥隨  
光動月落寒蟬顧影啼詩變而騷哀屈宋史分爲  
傳首夷齊休言鸚鵡無知覺不向劉瓛隴樹棲

三

閒閒持斧白雲阿碁未曾終已爛柯老去行吟枯  
樹賦悲來起舞大風歌長門日暮佳人遠空谷年

深捷徑多豈不能辭貧賤客楚然無奈足音何

四

當時說劍學縱橫此日疋羸一老生海上神仙空  
擾事山中宰相止沽名長貧不待年終課勇退何  
勞月旦評斗酒雙柑殊有會天然律呂是鸚笙

游南寺次葉潤山韻

芒鞋竹杖入東林一塢桃花萬樹深  
荒水漫緣孤柳渡微行多被野藤侵  
須知慧遠能沽酒未必淵

明不解琴烟雨滿樓晨夕幻蒲團牛背總違心

答龔孝升

臥病霜巖枕藥籬嶠嶢歸路幾時平  
但期苟活姑長往雖處窮途敢倒行  
夜靜江楓聞歎息秋深山鬼瞰高明  
桃花滿岸無人到漁父初來第一聲

二

萬死餘生守敝籬毋將休咎質君平  
家移橘子枰中住人在梅花市裏行  
別有衣冠非近見疑傳踪

跡故難明天高雁渡流空響遲和階前落葉聲

夜宿湛若僧舍

人烟靜處竹林幽冷日禪燈一氣秋纔夢湖山歸  
去好忽聞鐘磬覺來愁雲旂遠駕思江芷霜笛高  
吹動戍樓長夜西風蕭颯甚黃花幾瓣剩籬頭

吳嵩山過汧置草堂喜而誌之

涉獵名山與大川歸來臥病嬾周旋蘇門對嘯如  
鳥有梁甫高吟非苟全歷歷行藏無可諱瀟瀟風

雨最堪憐惟君知我相存問不見諸侯三十年

二

卻掃西林百尺樓元龍來自射陽洲莎雞始振金  
方伏鷓鴣先鳴火已流歷代典謨諮仲囁諸家同  
異訪施讐中懷多少滄桑恨重醉枌榆豈浪遊

春日寄懷王似鶴

朱絃縹緲憶雍丘送我西南放步遊山海有圖非  
志怪離騷無句不悲秋春風灞上祠文帝臘月隆



中弔武侯常愛故人詩畫好歸函烟雨寄滄洲

二

高屐方筇袂幅巾居停嚙奧絕無鄰延年有意曾  
相餽靖節何常自說貧風雨悲歌將進酒鶯花惟  
悴未亡人青箱久憶君家古可借山中貯釣綸

三

鬚眉嶽嶽古沙門持鉢緣江采蕙蓀魚腹是龍誰  
肯信犢衣多虱不堪捫光空合浦珠逃景血漬荆

山玉有痕底事回瞻芳草路東樓昔者亦王孫

四

姑洗風高土雨陰談經下榻隔年心行藏忍泪惟  
酣酒山水無聲盡入琴已苦邠卿潛北海俄聞梅  
福走南潯非君古道當誰語倦鳥飛棲何處林

讀樓山堂遺稿有感

憶昔金陵歲在壬秦淮簫鼓集同人登堂獨曳蟠  
頭鞞垂帶雙飄折角巾常恨四朝多匪類不平三

案殺忠臣挑燈夜讀樓山稿影響鬚眉若有神

二

復社東林事杳然清秋旅次獲遺編束芻江上雲  
遮路聞笛山陽月滿天老友追成玄晏序孤兒竟  
廢蓼莪篇烏衣巷裏雄談後不鬪金鋒三十年

歌風臺

上得歌臺風滿天如聞筑擊十三絃還鄉高會山  
河動開國元音劄守全重過屠門頌鐵券親呼酒

媪賜金錢西京樂府從茲始俯仰情深妙不傳

二

礪峯雲繹七峯藏泗水波澄發怪光屋上龍交生  
漢祖山中蛇斬應秦皇英雄原不羞貧賤歌舞何  
曾損帝王認取當年悲樂地蛩吟烏語盡宮商

三

泗水亭陰列漢官營連桑梓共盤桓屠沽拜將親  
朋賀子弟封侯父老歡駐蹕不勞綿蕞禮圍樽仍

著竹皮冠軍多汲盡琉璃井無數繩痕勒石幹

四

天然風雅創無倫寫意狂歌若有神不到故鄉乘  
酒興誰知隆頤是詩人湖山響應王侯和絲竹音  
諧節奏勻伏臘永懷湯沐事每登原廟輒沾巾

五

荒臺徑可作離宮妙選良家百二童擊節三聲風  
響變停鑾十日酒壚空追談壯士訶蛇媪漫對羣

臣謔狗功雖與項王同泣下還將成敗決英雄

六

淮南振旅過香城衣繡云何肯夜行驅策羣雄三  
傑冠摧縱大敵五年平直開關內星辰氣不諱山  
東酒色名嫚罵亦看何等客腐儒原自使人輕

七

威加海內不言尊天子王侯醉里門昔假萬錢爭  
上座今提三尺定中原飛揚自寫真人勢忼慨能

招猛士魂莫與汾陰辭並奏秋風蕭颯不堪論

八

張飲城西戀首丘帝王難得此風流中興十世生  
文叔後起三分託武侯鬪智無方能破楚臨終數  
語徑安劉音容杳矣美牆近疑有靈光在上頭

答史道鄰閣部

風冽霜高撼鼓鼙黃河濤與太行齊滲瓌當日輪  
玄獬渙澤何年貢碧雞築館將求千里骨封關好

借一丸泥煌煌聘檄來天外擇木良禽慎所棲

二

驕蹇巖棲老就徵滿天風雪護堅冰人皆小草譏  
安石我故狂奴託子陵遠蹈何妨衣百結雄談聊  
復酒三升高陽揖客爲公重莫使軍門怪未曾

廟灣雨中示王永吉黃國琦張含光諸人

怒來風雨逐潮飛涼冷如秋刺葛衣江海濤深浦  
客滯東南天盡故鄉非平沙濯碧漁簑晚新露吹

光苑樹微此夜浮槎誰獨往驚傳牛渚失支機

花香示太峯

萬花深處不聞香風定人間氣自芳得意園亭如  
暴富逢年草木各新妝狼星薄暮天文暗蠶月凌  
晨穀雨涼但恐歸來無靖節世間容易有柴桑

重陽與胡天放吳姬望吳嵩三同賦卽限陽

字起韻

天涯一十八重陽歸到淮陰卽故鄉元亮采來盈

把菊盃嘉髡去滿頭霜飛鴻有序成賓禮戲馬無  
臺惜戰場看鶴尋花聊自遣登高何必佩萸囊

秋夜水亭卽事與萬年少張九霞孫不踰同

賦

菊閣收寒燭淚青睡魚風醒唳橋檣初逢恰是知  
名後私語還因抱恨停月視秋池雙岸樹人歸曉  
露五更星素羅零亂花前影繫夢時時到野汀

訪姚文初于絳趺堂遂哭現聞老師瑞初二

兄

萬里風聞海上兵  
江南消息未分明  
行藏惟恐慚  
師友離亂無因問  
死生再返臯橋迷  
舊廡重逢市  
倅失真名潛踪直入  
跌堂拜錯愕相看  
愾一聲

送吳岱觀之涼州

祇園葉落與階平  
如此高霜萬里征  
患難亦能消  
歲月山川何處著  
功名祁連淡  
畫嫖姚冢懸  
度重  
開博望城便道通  
天臺下過勞將歸  
信約初明

出都謝魏相國龔尙書兼示伯紫仲調

蕭然不挂一絲塵  
淚灑東風謝主人  
君相從來能  
造命湖山此去好  
容身管寧流寓惟  
穿榻鮑永隨  
裝但幅巾痛定還  
愁餘痛在登高回  
首益傷神

別程蕉鹿比部

閒雲何處覓相知  
惠我春風未面時  
故老爭憐亡  
命叟長安不作謝  
人詩囊無縞紵難  
投刺山有漁  
樵且看碁歸雁一  
聲天際杳桑乾紅  
樹影離離

七月望日登鎮朔樓

十丈飛甍鎮朔樓  
樞臣特簡控咽喉  
經營采套三千里  
鎖鑰燕雲二百秋  
火稻山煤燒黍谷  
海陀潭水下蘆溝  
窮邊適值中元夜  
厲鬼他鄉哭未休

贈紀伯紫

行藏不使俗人猜  
躡屩擔簦上展臺

燕昭王展禮處在涿州南

燕領功名投筆去  
鹿門妻子出山來  
滄桑以後無非夢  
木雁之間正是材  
宣武橋東春水綠  
芙蓉早

發帝城隍

戊申禊日詩

萬峪花明錦翠天  
驪駒聲在子規先  
春寒霧凍山成雪  
野濶雲平樹罨烟  
人鬼餘生甘自放  
龍蛇分路恥相憐  
長安惟獨真空寺  
不改居停四十年

二

畚鍤平治紫陌新  
雨師先爲我清塵  
漁樵各有傷心事  
天地常如中酒人  
大野蒼涼朱雁度  
高山截

業白雲鄰淮南席主江南客點綴離亭處處春

再和前韻

繁華速老是春天花極穠時落更先遯野有情看  
拾翠封侯無相寫凌烟心悲晚景歌皆痛士遇奇  
才恨亦憐我去君留仍暫事成功者退記他年

二

未必玄亭著美新誰能洗得子雲塵初因去就難  
違衆後有文章反累人海正橫流須作柱山當絕

頂決無鄰一縱良鉞三公餞絡繹京華十里春

燕趙雜吟

麻衣桃杖出都門燕趙風光細討論上谷膏腴環  
督亢中山意氣感壺殮空羣騏驥賢人骨貫日虹  
霓刺客魂怪說蚩尤能霧戰塵高涿鹿晝黃昏

二

酷暑流金石欲焦緣途鼓吹有鳴蜩崔盧闕闕矜  
南國邢魏文章冠北朝拒馬水穿滄海臂封龍雲



結太行腰淮陰旗鼓千年壯風厲陞山赤幟搖

三

滹沱屈注下衡漳舊是羣雄割據場擊筑逃秦藏  
宋子占星思漢喜王郎歸朝獨賞田弘正棄地先  
誅石敬瑭暫過蕪蕪亭畔憇風吹豆粥有餘香

四

白溝南接兩雄山百里菱荷滌水環羸氏神仙招  
海上漢家圖史貯河間方圓島自雲門望大小潮

隨月建還世有英雄難再遇柴宗一日下三關

五

慶陶田漑濁漳渠一斗泥澂半斗淤立石釀成千  
日醉黃梁驚醒百年虛燕王禮士來神駿秦帝求  
仙得鮑魚郡縣催科當酷暑寬刑空想路溫舒

保德州卽事贈州守張符獻

林胡雉堞倚河濱與古樓煩舊比鄰禹貢不書荒  
服氏周官多有附庸臣城當要塞休誇險吏著廉

名直是貧追歎武靈真壯士從茲走馬瞰強秦

大同覽勝

呦堞嚴關戍梅叢秦邊萬里扼當中空山石馬祁  
皇隧古刹金鷗道武宮墩絕烽烟無主似田多稂  
莠不毛同今年旅舍秋分早赤塞黃雲雁滿空

秋夜聽妓人度曲

膏沐風吹滿苑香華嚴上寺接平康官貽塞北秋  
分酒曲奏江南夜度娘看畫白登堪懊惱埋絃青

塚失宮商王孫樂府飄零盡猶有佳人感毅皇

東城懷古

晉王遼主會雲中遺跡沙南石井東在昔戰場成  
遇禮于今兵氣滿寒空地高天近星辰大春少秋  
多草木窮白豹黃狼隨處獵桑乾盪浪鼓西風

遊龍門題禹王廟

雙巖如闕水淙淙懸注冰花躍半空地迺中分日  
山陝河于南下見西東春沙溢岸晴飛雪秋雨連

天夜吼風歷代丞嘗酬不盡猶將金碧寫神宮

二

乘樅乘橈萬里奔周看全勢鑿天門風湍滅沒併  
胝跡雪浪磨礮水火痕路放蛇龍歸渤海光漩星  
宿發崑崙無邊魴鱠思騰化到得春來亂叩關

三

入塞南流第一關滌洄吉隰百重灣函來黑玉䟽  
洛水抱去玄圭慟羽山童律燒錘三級險天吳約

束四靈班前王勤苦惟忠孝底績平成視等閒

河津諸友公席見招志之以詩

徧采唐風與魏風河津酒品冠河東門羅將相文  
中子例變春秋太史公靈液池函芝谷草妙樓巖  
對稷神宮酣歌響振汾脍石生色無枝百尺桐

首陽謁二賢廟

雷首雲高陰柏田黃河南下復東旋昔人懷古歌  
虞夏後世聞風拜几筵烈士性情多失路忠臣生

死不隨天微箕並食周家粟視此將毋愧九淵

游砥柱峯

茅津東下阻駝灣礪礪支空屐履艱觸岸陡回無  
去路扶筇深入有來山三穿分走魚龍靜一柱孤  
撐日月閑花綴幽巖禽戲浪天然圖畫水中間

二

春河澹宕水停槽厓現泥痕百丈高西峽爭如東  
峽險神門不及鬼門豪渾波濺起成珠玉巨石洶

來似羽毛踞坐紫金峯頂看音威欺殺廣陵濤

三

怪石礧礧不甚勻沙邊竦峙若星辰一聲春鳥知  
何處四顧空山不見人圖寫烟瀾何所似驚疑耳  
目自然新誰云河伯無名姓劒斬妖龜古冶神

遂初園詩

遂初園者猗氏王似鶴別墅也丁酉秋在  
河南與似鶴爲范張之約巳亥春乃始登

堂因下榻園中月餘柳杏兼香亭臺如繡  
即景命題主賓賡和亦客游樂事如他日  
遇陰太峯出此相示雖千里猶面談矣

千里人來媿范張愆期隔歲始登堂雲雖出岫山  
無意琴自移情海不忙階草落紅文石襯池萍沉  
碧翠魚香松疑春老還冬令柳綫松隄帶雨涼

二

峩眉南麓好尋春  
倚氏北山  
名峩眉  
三徑開荒絕衆鄰竹

蕙新移纔欲醒亭臺如畫不曾皺貪看碁勢忘歸  
路乍見漁郎即外人初是何初能遂否五湖烟月  
待垂綸

三

風刺幽窓燭火驚如誰剝啄焰熒熒三春玉井飄  
蓮粉一夕鹽池曬水晶珠圃光深天不夜梨花夢  
曉雨無聲西山陵谷荒多少待到清晨一望平

大  
雪

四

山城城內似山村雖設常關栗里門謝豹鳥名纔生

三月響游龍草名不帶九秋痕栽松橋角魚依影樹

蕙窓前雨洗盆久此相忘無出意蒲萄滿酌碧磁

罇

五

嚶嚶鳥響萃花陰步入花陰響又沉埤垠當窓窺

蒼荀桔槔催水澍林檎亭籬不板參差老結構無

多次第深招隱從來傳誑語白駒難得有遐心

六

春午遙聞子夜歌依稀橫篴掛烟蘿畫廊虛步青

山屨彫檻迴文赤玉梭掃室沈香驅鼠婦題花解

語叫鸚哥東鄰賸有逃禪地更向祇園種貝多

七

土鼓吹豳宿見龍春寒麥野帶秋容海心漁父常

依島山頂人家不見峯菊始分畦防瓦雀荀初上

架接金松爲尋知己留連醉此後閒雲未可蹤

八

錦樹霏霏十畝紅春光原不礙東風開樽蕙草無  
香處奏伎桃花似雨中自與向平堅石友何勞殷  
羨誤郵筒異時蔥嶺來天馬好認當年舊塞翁

題陰太峯清暉園

大河幽澗兩相迎家廟鄰居共水聲園竹坐人常  
刻字山禽啼樹不知名花藏籬角迴環看路轉廊

腰錯誤行忽憶故鄉年少者飛雲橋上賭風箏

二

藤杖柳瓢策蹇徐緣途借看主人書溪山鑿處逢  
康樂丘壑圖中置幼輿野外雲閒時出岫花間水  
到各成渠萍分未免長相憶就便黃河寄素魚

三

多耳芒鞋無事僧不留衣鉢不傳燈山狼弄火開  
王懿海蚌浮珠照管寧桑柘分明虞芮畔松楸寂

冥漢唐陵繡毬花映薔薇閣搖落春窓影數層

游終南宿金峯寺有感

處處名山與校讐一經題跋卽千秋男兒事可傳  
方好天下書能讀幾周感發旅懷悲庾信推原王  
命考班彪終南佳產丹青樹間雜玫瑰映樂游

見孝升送太峯還里詩卽和其韻

碧靄陰陰綠野寒春分花下歇征鞍戈揮白日斜  
陽怪擊楫黃河逆水難烟雨追隨長往路風塵憔悴

頓遠游冠山人資斧何須問雷首芳薇正好餐

二

烟波蘊藉好藏龍不比蝸涎勺水容芳草三春投  
玉案靈山一氣響銅鐘霜高立馬飛狐嶺月冷聞  
猿落雁峯獨往西河考文獻卜商干木是吾從

張崇者李玉菴見訪作此礪之

踈嬾生成苦未醫涼秋懷抱更支離天哀孝婦三  
年旱山畏愚公一夜移休咎豈容人代決行藏母



使後難追同鄉砥礪多賢者青簡悠悠肯恕誰

再謝公車

汀野蒲烟四望深新篁滿院襲花陰湖山或有相  
容地溝壑難埋不死心馬牧先生且網破羊裘男  
子釣竿沉他鄉豈必無悲感猶勝離騷滯楚吟

二

白駒空谷影相疑出處違心我自悲卽謝公車應  
便去還留故土欲何爲鹿門栽樹環精舍鶻血啼

花上老枝憑謝使君無一語歌臺桑梓峴山碑

清暉園海棠盛開

得意臨風不自拏盡情裝飾到春家新枝垂作千  
層勢全樹開成一朵花月照錦房籠紫霧海明珠  
浦結丹霞芳菲最苦難收拾分散幽香寄衆葩

黃雷岸見顧因往拜之

帆挂江天叩隱淪登樓注視各沾巾廬山一姓猶  
匡氏栗里千年尙晉人有水堪聽真自韻無書不

讀曷言貧蓮花洞口桃源是祇可漁郎自問津  
遇餘姚黃太冲于五老峯

一峯層上一峯危上到無層歎絕奇白氎巾高難  
入世青秧鞋破不逢時三梁路似飛仙影五老星  
如處士肌菊夜挑燈題樂府漢家饒吹有翁離

訪查天球查小蘇于赤岡

了髻峯邊處士莊衡門新植五垂楊由來彭澤皆  
名彖蝨自有廬山卽姓匡座上每逢前父老村中俱

是古冠裳農夫苦雨登高望今夕初晴喚掙秧

游鹿門山

一望雲荒翠樹籠魚梁沙曲住龐公交游自可忘  
賓主出處何妨有異同高蹈不羅朋黨禍躬耕全  
是逸民風登巔北望春陵近佳氣年來漸鬱蔥

贈王涓來

虎坊橋畔筑聲勻駐馬悲歌歲在辰到老疎狂誰  
似我經多風雨倍懷人雲分便覺山無色劔合纔

知物有神萬里孤舟來一訪皎然明月大江濱

濮州葉潤山見訪次韻

十五年來問訊重春齋雞黍薄言供幽芳嬾與人  
相近高蹈孤爲衆所宗避地黃冠時駕鹿經天紫  
氣果猶龍村童不解遊方外便爲敲魚待飯鐘

題俞善長澄巖

達隱城居坐掩關寡營無事卽深山雲開春閣圖  
書靜月霽秋窓竹桂閒得意如叅黃老過藏身故

託吏農間蓬蒿久矣荒三徑今夕初爲二仲刪

二

家本黃山老泗亭烹茶候水試南冷幽蘭繪出三  
湘譜怪石妝爲五嶽屏鼎潤香猊吹霧紫衣燒火  
鼠燦霞青非時清福難安享座右長書子玉銘

重過耿莊有感

四十餘春醉夢過曾于此地演笙歌蛛垂廢院蓬  
蒿隱鵲哭空樓瓦礫多湯沐千年懷赤帝雲山百

里帶黃河疎花古石猶堪賞不見當時老薜蘿

山中答友人

中原離亂歲云徂日日移家家漸無讀禮空山人  
慘澹談兵半夜鬼揶揄郊居習獵分鳧雁臥病加  
餐掘筍蒲鄙薄彈冠非志士花開携酒宅東隅

鄭尊卿山人見懷次韻和答

蕪榛滿路攪人思適我周行獨未岐歸已無家真  
下策窮還有客亦前期一聲寒雁霜橫處數闋清

簫月落時林壑依然幽賞在休言往事更攢眉

高郵湖遇雪與姚老師姚文初諸詞客同賦

萬頃蒹葭玉蕊紅蓬窓浙瀝響泠泠湖山不寐懸  
明月天地經寒表素心蘇武窮途旣脫裏袁安高  
臥洛城陰尋常詞賦占才品抹却當年小謝吟

徐武子携其二子步過虎丘酌我

幅巾茅履出山塘畧似陳公孳二方三十年前曾  
把臂九千里外忽登堂野民流涕歸司馬孺子辭

徵老豫章醉後放言無忌諱滿林松鼠跳斜陽

京師閒咏

琉璃掩映九重扉天市垣高近紫微虎豹房通金  
殿戲鴛鴦池納玉泉飛三川洛下形模小八水關  
中向背非攷徧唐虞周漢制從來無此帝王畿

曹秋岳自雲中齋壽表入都顧余邸中賦贈

龍城錦駟遠銜枚萬壽峯前進玉杯塞北久傳飛  
將去江東今有步兵來山緣蔘嶺尋雙髻水渡桑

乾上五臺先問荆高行酒處松寮昨夜海棠開

別魏子存員外

泗上雲交繡水烟粉榆一路接江天白龍顛顛慙  
初服黃雀飛鳴謝少年過去應叅無鬼論歸來直  
說現身禪東風不語花含笑漫擬投桃下注箋

從玉泉西游歷建文景泰二陵至臥佛寺

王侯別墅百花塍紅雨霏霏落幾層四載建文須  
有謚七年景泰可無陵門穿村舍唵新柳戲喝宗

門試古藤苦作津梁疲已甚莎羅樹底臥傳燈

過舊大名城

沙麓山餘半截城柵門如闕舊殷京先王有禮封  
前代太史無心卜大名數堞土牆豐草蔽幾家茅  
店古碑橫因傷麥秀行歌處立馬秋原弔武庚

大名

殷舊都武王  
封武庚于此

二

金灘衝出魏城根畢萬遺封尚有痕雨霽青山遙

見影風香綠野各成村秦皇多事開東郡宋室防  
邊重北門雉堞久遷金石廢大觀年號井傍蹲

登馬服山

紫金山頂石嶙峋斑駁巖花襲翠茵龍洞出雲連  
鵲穴狼溝飛水注熊津虞卿豈是三千客毛遂原  
非十九人說士謀臣何所用邯鄲賈豎早亡秦

登大伾山作贈淮陰丘慎菴

九河環抱古黎陽河改沙明遠岸蒼未上伾山親

領畧安知禹貢不荒唐崑崙星宿浮滄海砥柱烟  
波繞太行更喜丹崖如斧削層層蘚翠有文章

二

嘒嘒鳴蜩暑晝長大伾山頂送斜陽金隄波遠魚  
龍靜玉井丹飛草木香佛倚空樓雲寂寞神棲湫  
洞雨蒼涼巖東隱隱笙簫起此地從來集鳳凰

賀孝升以大司馬晉階一品

冰蠶夜繡袞衣紅桂板桓圭錫命崇淝水夢龍生

九子周官司馬拜三公詩文映發徐陵體絲竹網  
縑謝傅風位極人臣星不遠天樞原在紫微中

登大名城遠眺

衡漳淇澳滙元城想見唐時魏博營宰相有謀銷

鎮變李將軍無算失牙兵羅威羅河分舊跡圖難攷

路扼中原勢必爭欲見南山何處是大伾峯秀午

雲平

燈節後四日集飲武林會館蔣馭鹿邵蘭雪

作主

西湖別墅掃冰苔燈補元宵五色纓吳越佳人連  
袂唱幽燕老將裊裘來梨花帶雪初春放玉樹臨  
風半夜開應笑梁園賓客陋當筵詞賦僅鄒枚

游古代城望上谷雲中諸山

參合陂南接太行三關繚繞氣蒼涼漢家初建文  
皇帝魏國先封代郡王作曠池深雷欲躍磨笄峯  
冷血猶香武靈開創邊城遠高隴陰山一路牆

重陽借潘次耕登小五臺限少陵韻

茲地曾經尹鐸寬春秋享祀土人歡愁逢蓋聶輕  
談劔喜對鍾儀未改冠臥展桃笙烘火碎行穿葛  
屨踏霜寒蕭牆瓦礫珠宮燼金粟園凋不耐看

訪忻州處士傅青主于松莊

狼孟溝南大鹵平汾川直掃太原城山中有客能  
逃世海內無人敢好名金石編年藏綠甌漁樵約  
伴采黃精晉祠松枯秋深老秃筆勞君畫幾莖



武園下榻

下榻名園客夢荒  
清和節氣曉雲涼  
風吹柳絮牽池藻  
露滑梨花滴海棠  
六卦烟嵐開障秀  
雙峯草木入簾香  
何須柑酒聽鸚去  
紫燕如笙唳畫梁

吳儋菴招飲菊亭

閏歲霜飛早半旬  
中秋四日雁來賓  
豫章成禮留高士  
安邑無功累主人  
離亂重逢吾輩少  
悲歌更比故園親  
草堂環坐諸公子  
月色花香暖似春

登柳港寺塔南望恒山

堯堯古塔御河干  
阿育重修第幾盤  
不到上方從下指  
寧知北嶽向南看  
日纔當午塵如晦  
秋未會中氣早寒  
聞道宰官能現說  
一尊窰變啟宇蘭

曹秋

岳爲雲中道以白  
磁觀音供寺中

從壽陽踰瓦合鉢嶺抵盂縣

琴川驛北水潺潺  
一峪玄沙數十灣  
叢雜僅能通鳥道  
荒涼殊不類人間  
艾蒿封作大夫邑  
榆棗栽

成娘子關追訪猗盧蘭谷戰血花猶赤壽陽山

汾陰后土祠

陰森漢柏鬱婆娑古蹟崩墮大半過禹闕蛟龍吹  
白浪汾祠金碧倒黃河英雄好事當年盛山水無  
情亂世多若使武皇今尚在秋風如此奈伊何

晚行題三門禹廟

禹廟幽幽幾樹松庭除殘破草茸茸初來僻路無  
村店何處荒林有寺鐘飛瀑好題春水盡落霞堪

狀晚山容疲驢餓僕都忘倦似此烟光可易逢

從三門夜投梁家谷

虎峪巉巖不可登倉皇投宿陟峻嶒星光斜露中  
三點月影高懸上一層杖底驚來村舍犬林梢爛  
出佛堂燈田翁夜起羣相問歎息荒山自未曾

題梁以道伏村別墅

香城仙子玉琴裝釣月乘魚走大荒出沒滄桑俱  
是幻支離名姓若爲狂屈騷連類三千字阮咏無

題八十章知己天涯原自少河南獨有四松堂

漢卓太傅祠

古柏陰濃瓦數椽子康遺愛結東阡觀其託病新都義不媿封侯建武年過客搜尋殘俎豆土人歌沐舊山川滄桑一往循良在生色春雲鎖祭田

爲嬰兒題樂治新莊兼示乃岳張十六親丈家在名山第幾支河南流寓匪前期能成爾事夫何恨徑去吾鄉亦可悲須使人驚梁苑賦休誇天

賞孟諸麋驅車五嶽歸來倦秋海棠前進一卮

二

窮遊天下極天邊備攷名山與大川金石留心皆學問詩文得意卽神仙偷閒不作功名想避禍翻成子女緣此夕渡河逢故舊風光猶似十年前

西華橋風雪甚大主人出酒相留作此

古來文獻考中州義墓康陵次第遊負販繒人堪將相輟耕傭者笑王侯疲驢碎走冰前路凍鵲低

飛雪上樓橋畔適逢魚酒社不須輕典鷓鴣裘

蜀中雜咏

雍梁徼外古蠶叢秦漢年間路始通珠錦光華生  
翰墨江山險阻快英雄神州但有龍蛇事鬼宿先  
爲虎豹宮祇喜晉人傳釀法醅醱香窸竹根筒

二

嚴真觀內草茫茫天女支機倒畫廊益部星辰占  
孟節嘉陵弟子服元章猿啼早夜珠江應花燦深

春玉壘香邈矣君平簾不下游人何處卜行藏

三

錦市當年百寶陳遭逢離亂不成春爾來何速思  
名將我見猶憐痛美人白鳳亭墟玄草散青羊宮  
燬道經塵登高西望邛峽近轉恨銅山賞弄臣

立春日孫黃中招飲江上

東風習習錦屏烟客邸逢春又一年映水峯光澄  
綠玉過橋人影踏青天彭蠡誤作長康膾龍鮓驚

飛僕射筵坐到談言微中處渝歌巴舞亦逃禪

黃鶴樓

晴川芳草近磯頭小景何堪狀此樓須把江山雲  
外看直將蜀楚檻前收芙蓉風秀飛銀雉雷雨塘  
深躍鐵虬欣賞離騷南浦句風波滿目美人愁

二

蟠岷萬壑注荆襄突有橫磯截武昌鸚鵡洲前名  
士賦蜘蛛井內美人妝空西望懷仙子破浪南

征撻鬼方莫道八分林木少山花如繡百叢香

弔劉同人

孤舟萬里駐江干風雨淒淒盛暑寒季子劒從何  
處掛牙生琴復向誰彈天涯悉數窮交盡海內重  
尋畏友難著述幸當全盛日不曾遲到帝京殘

題阿房宮故址

渭水云何象漢津浪言營室擬星辰員嶠妄遣童  
男女方士虛稱善鬼神博浪不能搜大盜深宮徒

自飾真人南山未表輶輶臭直得長沙著過秦

落雁峯

三峯峻極是南峯玉女蓮華下一重丘壑都非人  
意想音光難爲爾形容全真洞怪疑仙幻避詔厓  
荒絕鬼踪更上蒲池菴頂望千巖積雪滿林松

定軍山謁諸葛丞相墓

梁父吟曾誦武侯今來沔上撫松楸天威振旅乘  
金馬名士臨戎駕木牛賊招操不真有見功兼伊

呂迥無儔試看兵火千餘載誰敢樵蘇傍壠頭

漢中題拜將壇

約王關中徙漢中諸侯以此畔重瞳庸人設策常  
相似大將登壇獨不同父老依光生日月山河換  
主待英雄秦皇欲厭東南氣可得西南厭迺公

汪兩若招飲卽席分韻

珠酒光凝金叵羅醉來花裏放吳歌雲埋雞足神  
僧遠燈燼魚膏嬾婦多落月有香生玉案飛星無

路返銀河美人遲暮風流在好向空山采薜蘿

辛丑元旦與長益兩若同賦

崦嵫空枕魯陽戈脫網枯魚嬾渡河三尸子孫雲  
外去六朝金粉夢中過移文逋客烟霞媿載酒名  
山比興多莫道東林容易入謝侯無奈遠公何

周公廟

陰森古栢闕宮涼金粉凋殘文憲坊開國元勳稱  
叔父郊天殊禮賜成王宮鄰義廟傳三易夢發尼

山隔一牆兵火有年遺跡燼游人何處讀靈光

冠縣訪梁東川于小化村

冠氏城陰百畝田垂楊廬舍棗花屋大梁客以侯  
羸重深井名隨聶政傳宰肉里門聊結社敲碁僧  
寺不叅禪驚聞余到非常喜彼此餘生共可憐

余素有山水癖又值患難相尋遂遊十嶽凡  
二十年乃歸辛怡子忽以詩社見要喜而  
赴之因題其齋中三律時庚戌端午後三

日也

癖嗜名山萬里迴故鄉粉社此重開尋花豈可攢  
眉去問字應須載酒來岐下野人舂石鼓鄴中諸  
子佞銅臺何如小院清陰布不數龍門百尺才

二

前朝夏至卽端陽盛暑陰森葛服涼曲筆慚修昭  
代史童心喜入少年場吹簫丞相傳新譜擊筑兒  
家洗舊裝追憶平時行樂地環橋十里芰荷香

三

斷斷市巷結巖阿折簡招尋信宿過金谷每嫌朝  
士橫竹林偏愛酒人多奇文鳥跡兼蝌蚪窄院花  
陰繡薜蘿卽事分題端午後夏行秋令感如何

南昌題徐孺子墓

馬鬣遺封碧草緜布衣千載重南州鏡磨不負黃  
江夏芻束能驚郭介休昭代鄉賢于此祀漢家年  
號至今留一坏無恙何容易帝寢王墳處處愁



游大明湖夜歸

濟南城內小西湖映帶烟樓作畫圖楊柳岸邊童子  
擢芙蓉帘下美人沽水中山色時明滅花裏琴聲  
半有無北極宮高鄰舍遠松門深鎖一燈孤

古古詩

古沛 閻爾梅 用卿 著

休寧 汪 觀 瞻侯 選

登泰山

長別濟南道悲歌登太山三冬無限恨一去幾時  
還地盡滄州出天高闕里閒雲亭諸培塿封禪復  
何關

修路去其險山高人不  
知看他深厚處無復盛衰  
時光偉如君子尊嚴若老  
師垂紳雲漢上華夏古  
威儀

三

山下自風雨不知山頂晴  
青天超距上白霧半腰  
生樹古忘年歲泉多失姓  
名斛盤開鑿久萬仞覺  
平平

四

碑在無文字傳疑不可蹤  
千八百國長七十二家  
封氣翥樓臺狀光環日月  
容世間好男子看取丈  
人峯

日觀峯

山根何所有夜半必光明  
山在虛空際光緣日月  
生何曾天外落直是地中  
行行健真如此開人萬

古情

游藏龍峽

南山風雨注水口劈雲門似是神工琢曾無鬼斧  
痕空明俱有竅生動不連根怪石沙邊列牙牙虎  
豹蹲

二

曠游晴最好此日却微陰麟鳳行藏晦漁樵智勇  
沉伐山須借斧拊石且鳴琴空谷非岑寂蛩然有  
足音

三

易有精靈物難逢賞識人龍蛇爭氣類屨杖感星  
辰地瑞韜藏久天光剝換新狂吟收拾富不使客  
囊貧

泗水道中

旅店知何處登高認路生虎狼多有跡雞犬不聞  
聲望樹投村落無人問地名溪邊逢破廟碑碣古  
盧城

中秋夜作

惟秋爲氣苦相感輒成悲况處異鄉外又當多難  
時浮雲終自霽明月不吾欺移酌空階下長歌古  
別離

通許卽事

百戰中州地荒沙帶亂墟丘陵秦漢錯封建夏商  
餘文士徵新稿田家葺舊廬鉞長安所用慚愧使  
君魚

二

山震鐘如答聲聞不妄傳六經酣壯歲十嶽嘯餘  
年酒應黃花節詩裁白苧箋好音應未阻一一寫  
冰絃

贈孟依之

戰馬叫雍丘登歌祖逖樓當年名士蹟此日故人  
留立身識歸路青桐凋敝裘故園多桂樹誰賦小  
山秋

游三峯山

山平如素几斷處乃成峯伏有龍蛇狀蹲爲俎豆  
容崩厓蒿蔽井破寺相懸鐘初路多新險烟蘿步  
步封

蜡月初七夜楊猶龍署中大雪刻燭徵詩

風雪一身在江山何處歸習來饑渴慣所至姓名  
非呼酒陳桑落連牀老布衣枌榆應不遠只是社  
人稀

二

自分天長夜寧知物有神山川留醉客豺虎惜窮  
人家遠不勞夢年終將改春伊誰相識者此是楚  
靈均

馬子遠齋中卽事兼示某史定生

酌酒一千盞何須兼味新花間搜律呂天上列星  
辰冰雪能開歲山川不妒人大寒誰與共白石古  
松鄰

二

莫苦河南道君家卽我家此宵逢地主何處是天  
涯栗冽能生氣梅開正有花當天參井分燦燦結  
青霞

三

把酒說西山人家穴幾間不知花種類無數鳥綿  
蠻雪霽千峯素雲歸萬壑閒欲尋箕穎路大小石  
淙灣

四

那得文章筭都于醉後盈風雲皆自幻江海不能  
爭漢紀讐荀悅離騷廣屈平歸來山寂寞瀑布一  
聲聲

許昌春夜贈山人何仲端

有客不相識閒閒江海遊戲將千點墨寫出萬峯  
秋古道應難問斯人可易求一盃一杯爾忘却幾  
譙樓

二

自與此君晤山高風雨深花間春弄色我醉爾彈  
琴何處美人曲無端狂士吟正平游許下搗鼓有  
遺音

戊戌穀日平烟水梁以道見訪臨臯作此贈  
之

去家失年歲春到不知春君適來相訪予當是主  
人披衣迎柳陌借酒酌花茵如此東風色天涯未  
可貧

二

竹以誰爲主雙雙得子猷到來今日暖忘却幾年  
秋神駿騰千里妖蛇殺兩頭此間須作賦不必仲  
宣樓

三

茫茫安適去榻下故人多異國難于料春風可奈  
何猶聞待金馬誰解顧銅駝看破新時令花初且  
放歌

雁門送李天生歸陝

自昔別居庸經秋且近冬天難逃氣數人不測蛇  
龍電劈銀河石霜流木塔鐘此間無可語爲爾賦  
相逢

二

之子西歸好余來贈一言詩文留雁塞風雪渡龍  
門句注山藏斗滹沱水見根天涯同伴少回首欲  
消魂

三

自經離亂後凡事與心違君載妻孥累吾逃姓字  
非漁樵從客變松菊想人歸太白山頭雪寒光照  
布衣

四

多難非無故浮名豈易居梁鴻妻舉案伏勝女傳  
書歸里君能事完家我不如慟人還自慟立馬更  
歛歔



游終南山

秦山橫萬里俱可號終南霧隱黃神峪雲高白帝  
龕地靈開隴蜀天險束殺函最有丹青樹晴秋鬱  
翠嵐

宿白厓寺

碎磯填鳥道環水帶螺紋嵐結千村雨松垂一寺  
雲主驪峯暗護河渭影遙分歸雁時時唳無人共  
我聞

題岫雲閣

板屋隱松巔高棲遂有年逢人無姓字留客是山  
川厓迤千尋雪峯開十丈蓮乍登奇絕處搔首問  
青天

蒼龍嶺

嶺形如劒脊飛舞跌懸厓凍雪千尋上荒風四而  
來岡頑金鐵朽窟閉鬼神開獨立崑崙嘯陰陰響  
衆雷

村居

邴管曾浮海巢由不買山勞心天地苦寡慾性情  
閑南伐標銅柱西征想玉關豈如高尚者詩酒坐  
花間

殮室人張氏樊氏于南莊

適我爲宗婦親喪禮再終耘田偕冀缺舉案侍梁  
鴻歲課倉箱豫賓筵俎豆豐爾時都不問回首憶  
無窮

二

薄命遭離亂焦勞二十年未完婚嫁事先畢死生  
緣三女哀無母雙兒失所天倉皇棺不及橐席瘞  
樓前

再哭樊氏

疇昔好風光迴思一夢涼璫枝凋凍洛玉樹萎嚴  
霜魂散招何處歌終泣數行清秋傳樂府十五嫁

王昌

徐州過萬年少故宅

當世誰堪語斯人復永違生前家已棄歿後櫬何歸  
荒草埋虛閣秋風鼓敗扉多情惟燕子還向舊巢飛

二

秋水堂前路塵封畫不開撫絃絕真賞聞笛有餘  
哀花落樊桐館雲收戲馬臺黃泉無驛使誰說故人來

廬郡夏秋詩爲龔孝升作

孤鶴鍛其羽翮然滄海東往來雲氣上嘹唳月明  
中有血生燐火無冰語夏蟲賞音人故在煨燼出  
焦桐

二

幣交凶吉半歌哭總於斯命酒客同醉傷心人不  
知謝安頻名妓杜預枉沉碑何似垂楊苑燒燈唱  
竹枝

三

晨起跣趺坐當門曙色鮮海東三島氣江左六朝  
烟映水皆環柳週城悉種蓮好風宜結夏常在月  
明巔

村居雜咏

孤身游萬里未肯泣窮途雲月山中有英雄海內  
無侯門餘稚子共話得農夫天幸還丘里何煩擊  
唾壺

二

長辭三徑去老矣復歸來海上逢萌歎關中庾信  
哀臨書清鐵硯注酒碧瓊杯木雁知誰勝吾寧處  
不材

三

涼燠非其候肌膚滌不親當儲立石酒莫苦白頭  
人雅樂垂鍾呂深山餓鳳麟勿矜花爛熳一夕落  
紅茵

和陳蓮生來韻

不辱無如隱棲遲愛子真文章能謝客魚鳥若親  
人虛谷生跽響高山絕衆鄰與時嘉遁好勉爾勿  
沾巾

微山東友人

未能逃死去且復學逃生多累嫌妻子淡藏苦姓  
名渚濶蒲帆隱霜高木葉輕燕山雲萬里不接石  
頭城

杜門

匪以逃人去行藏兩未成折腰慚故步洗耳近虛  
聲風雨常如晦牢騷不易平數窮先擇禍惟有杜  
門輕

家信

前日人纔去歸家又早來爲言鄉下樂倍使客中  
哀兄弟呼新酒亭池蔭舊槐望余予不到每上大  
風臺

答陳百史

使者持書到開緘如見人幾時無限意數語絕傷  
神飲食懷良友平安候老親目前窮與達遊戲總  
非真

二

自爾平陵去相思與日新愁將今古事責在爾三  
人短髮驚寒暑微心動鬼神別離常不見偏覺夢  
中親

宣府山游卽事

山水西南盡歸來更北游長城今日見上谷主人  
留路考三邊誌時逢八月秋談言微中處不覺異  
鄉愁

二

壯志能投筆長游不用繻翻山尋次仲戎地訪由  
余欲發小山桂先燒明月珠相期何所至携手入  
枌榆

魏郡冬吟

日候居南陸牆陰影不留窖中題雁字燈下補鶴  
裘天氣華于夜人心怒在秋誰堪同起臥獨自理  
衾稠

二

羈旅秋冬際遲回近一陽夜華開漢斗天色美文  
章殺運何其久衰年不再芳遙憐雲駐處墓草必  
經霜

三

雨後烟光潔新天夜更青析人虛曉箭屋瓦漏寒  
星陽復溫泉動霜高晚卉刑惟餘松柏在不肯遂  
凋零

清明答單臣素韓淑旅兼寄故鄉友人

跌坐如禪寂安知節候更偶因贈楊柳纔悟是清  
明宿草青連海春山綠遶城遙憐桐竹發多少故  
園情

送邢來之

何處無詩酒相親患難中文章談永夜江海別春  
風古道難為繼奇人未易同他年呼姓氏記取潔  
河東

聞兩室人烈死

秋夜急鳴蟬南莊信駭然忠魂星月焰血性鬼神  
憐直欲成雙節安能計萬全從茲無內顧長嘯白  
雲巔

古古詩

古沛 閻爾梅 用卿 著

休寧 汪 觀 瞻侯 選

七言絕句

杏埕莊雜詠

星海滄江萬里游歸來更上採蓮舟青門瓜叟無  
名姓忌諱人前說故侯



早歲狂歌晚歲僧名山賞過幾千層滄桑風景隨時幻兀坐荒林對一燈

烏江浦

陰陵道左困英雄騅馬常嘶千里風成敗何妨爭面日不隨亭長渡江東

元宵同龔孝升紀伯紫用錢牧齋燈屏舊韻  
冰絡流光射碧天鮫人泣抱海珠眠琵琶連袂蹋歌去爭似春江花月年

二  
藜火高燃太乙堂淵淵金石協宮商江南玉笛燕山筑對奏天街作戰場

邯鄲冬夜周連三招飲與王仲升李桐菴分賦

日首無家住酒杯太行山左問叢臺邯鄲可有叢臺否疑自黃梁夢裏來

二

桑乾渡矣渡滹沱風外愁聞易水歌不遇邯鄲魯  
句踐霜天誰敢叱荆軻

三

沁水環交滏水東西山簌簌幾林松行人莫笑邯  
鄲賈一擲千金盜祖龍

題二祖菴

萬里芒屨不肯停楞伽四卷是何經太行烟雨紛  
無數隨我來參二祖庭

蕪湖弔黃將軍

艤艫百隊鎖征雲帥纛風摧日色曛磯底靈螺吞  
戰血每逢陰雨哭將軍

遊莫愁湖

欲採芙蓉近晚秋微醺斜倚望江樓人生都向愁  
中老誰解閒行問莫愁

廟灣卽事

時在吳琰伯署中

歌妓官衙往歲稀春江花月六朝非誰知海上芙

蓉閣夜奏霓裳舊舞衣

二

海城涼夜美人歌怨  
蓬無如客夢何  
雨後東風明月綠  
吹來偏是楚聲多

太倉過王文肅舊第

子夜歌殘玉樹塵  
江南花月變金鱗  
孤帆直掛滄洲去  
不弔烏衣巷裏人

游揚州北湖有感作

芙蓉兩岸畫船迴  
不管蕪城賦可哀  
風雨連江多少恨  
都隨二十四橋來

二

平山堂外補殘樓  
六月花天氣欲秋  
歌管女郎憔悴盡  
纔知不是昔揚州

黃龍潭三月十五日有感

是日哭兒生辰兼憶是兒時二兒方

在河南

秦蜀周遭萬里餘  
陰天日日坐匡廬  
悲歌悞得人

如此爾輩何勞讀父書

二

豹韋堂下草重刪舊壘春深燕子還記取生辰須  
一醉可曾寒食掃微山

題遠公經臺

蹒跚趺坐講經臺各色花從亂水開水外有山山  
不盡白雲踈處大江

陶靖節墓

廬山西麓老松楸處士星高此一丘碑碣當頭題  
晉字其餘何事不干秋

二

一代行藏一代新遭逢恨不及先民寄奴猶帶英  
雄意容得柴桑舊酒人

登鎖江樓望孤山

岷江東下楚江灣彭蠡鄱湖不閉關放去滄洲容  
易盡當心一柱小孤山

登小孤絕頂

八面風濤日夜噴空中樓閣駭無根孤山截得岷  
山住萬里長江一捍門

題孟傳是山莊

獅子峯前百種花香霏雨後滿田家芙蓉隨着秋  
溪轉一帶青山似若邪

登大梁鐵塔懷信陵君

鐵塔雲浮十二層稊山衰草結嚴米英雄無過高

皇帝特過陳留祀信陵

夷門

河決東京萬戶哀城頭僅剩一繁臺不須憑弔梁  
園客策蹇侯嬴墓上來

登封望箕山

嵩雲環抱古陽城南望箕山一字橫我欲携瓢過  
潁上怪他巢許亂爭名

伏村雜詠

一策青騾到伏村主人高臥掩松門但憑花謝花  
開意不掃堦前夜雨痕

二

黃鸝何事五更哀風雨敲窓不住催又是啼鴉叫  
歸去十餘年恨一齊來

游雲巖

嶂嶂層岡曲折深幽人家在萬峯陰不逢居士聞  
相引松閣流泉那處尋

從具茨山西行至崆峒

具茨西接古崆峒處處仙人結紫宮秦皇漢武生  
來晚先把神芝付有熊

檜山堂贈梁日晉

沙路層層野樹蒼鞭驢呼酒檜山堂東園竹石吹  
新雨不問何花滿路香

二

與君曾共少林遊初祖菴前雪未收松杪鷓鴣啼



P8-P15

不斷千山明月一時秋

三

雙檜亭亭蔭畫欄  
深花仄徑暑天寒  
樓頭雲氣來  
嵩少一抹空  
同雨後看

少林別諸送客者

畫眉晨叫翠微間  
江海人從少室還  
輿馬幾行分  
路去一齊招手別嵩山

五言絕句

筵篔引

盡說風濤惡  
留君君強行  
中流時一看  
多少斷腸聲

避亂微山

桑梓不留人  
室家能累客  
悲風永夜來  
山樹搖霜碧

遇張廷見



棄家走異鄉已絕生還夢君自故鄉來相逢不相  
慟

邳州道中

萬山深處行盡日無人影桔槔近石梁聲落山泉  
冷

自淮上至廟灣

澗河直東下滄海盡頭時扶桑行且到不恨日光  
遲

海上遇大風雨

東走前無路扶餘一問津誰知風雨夜海外更愁  
人

二

一夜天風嘯蘆汀水丈餘艤舳千百隊浮入野人  
廬

鄉居

鄉居常閉戶偶爲故人開盡醉無他語幽窓一徑

苔

聽蟬

深林不知暑獨坐聽蟬鳴雨過微涼出前溪秋水

生

夜坐

雲霽星初皎銀河冷欲斜月明移竹影生出滿牆

花



